



Inatsisartunut ilaasortaq Jens B. Frederiksen
Kalaallit Nunaanni Inatsisartut
Postbox 1060
3900 Nuuk

**Neriuunami savaateqarfiup tunniunneqarsimanera pillugu
apeqquteqaammut akissut.**

10.05.2006
J.nr. 61.14/06

Iluoorpoq savaateqarfik Neriunaq 2006-imi upernaakkut nutaamik piginnittortaarmat aammalu Aalisarnermut, Piniarnermut Nunalerinermullu Pisortaqarfiup inuussutissarsiutinut taarsigassarsiniartarfia piginnittut nikinneranni suliamut peqataasimammat.

Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

Inuussutissarsiutinut taarsigassarsiniartarfiup immikkoortaqarfiata peqataaneranut pissutituaavoq siusinnerusukkut piginnittuusup nunaateqarfimmini taarsigassarsiai annertoqimmata sumiginnarneqarsimallutillu. Taarsigassarsiat inuussutissarsiutinut taarsigassarsiniartarfiup atugassiissutigisimasai.

Tassunga tunngatillugu inuussutissarsiutitigut taarsigassarsiniartarfik tunisisumit pisisumilluunniit siunnersuinermi peqataanngilaq. Tunisisulli ilisimavaa ilaatigut Qaqortumi Siunnersorteqarfik isumasioqatigereerlugu savaateqarfiup siunissami ingerlatinneqarnissaanut pilersaarutini 2005-i naatinnagu saqqummiuttussaasimagaluarlugit. Tamanna isumaqatigiissutigineqarpoq Nuup kommuuniani Nunalerinermut Nakkutilliisuutit taarsigassarsiniartarfillu peqatigalugit juni-mi 2005.

Inuussutissarsiutitigut taarsigassarsiniartarfiup immikkoortortaqarfia 2006-ip upernaavani annertuumik iliuseqartariaqalernermit tatineqarpoq, tassami savaateqarfiup ingerlatinneqarnissaanut pilersaarummik tunniussisoqanngimmat peqatigisaanillu inuussutissarsiutitigut taarsigassarsiniartarfimmut nalunaarutigineqarmat nersutinut pigineqartunut nerukkaatissaaruttoq.

Nersutit nakorsaasa ittuat Lasse Holm allatut ajornartumik toqoraasariaqarnerup ingerlanneqarsinnaaneraniq oqaloqatigineqarpoq, peqatigisaanilli soqutigisaqatigiit saaffiginnippot, savaateqarfiup tiguneqaannarnissaanik siunertaqanngitsunik aammali qulakkeererusuttunik maannakkorluinnaq nersutinut nerukkaatissanik pisariaqartitanik pissarsinissamut.

Taamaalilluni pissutsit nukinginnarluinnarmata inuussutissarsiutinut taarsigassarsiniartarfiup aalajangiuppaa ajornarluinnassasoq savaateqarfiup pisisinnaasunut siammasissumik tuniniarneqarsinnaanera. Tassunga tunngatillugu oqaatigineqassaaq savaateqarfimmit pigineqartunit inissiaqanngimmat. Taamaattumik ajornakusoorluinnassaaq siammasissumik pisisussarsiuullugu tunineqarsinnaanera, tamanna pitinnagu savaatit tamakkerlugit toqoraqqaassanngikkaanni.

Savaatit tamakkerlugit toqorareernerisigut inuussutissarsiutitigut taarsigassarsiniartarfiup naliliinera malillugu nalorninarluinnarpoq tamatuma kingorna Neriunap savaateqarfittut piorsarneqaaqqissinnaanera periarfissaqassanersoq.

Tamanna tunngavigalugu tunisineq naammassineqarpoq, pinngitsaalineqarnermut inaarutaalluni ilaatigut savaateqarfik pigiinnarumallugu ilaatigullu aamma savaateqarfik inunnut, nammineerlutik aningaasaliinermikkut piomassuseqarnermikkullu aammalu nunalerinerup iluani takornariartarfittut ingerlatserusuttunut, tunniullugu.

Naalakkersuisut suliamut toqqaannartumik akulerutitinneqarsimangillat, aammalu tamanna periuserineqartarpoq suliaq taamaannermisut siunissami sulianut naalakkersuinikkut tunngavissiiisinnaasutut isigineqarsinnaanngikkaangata.

Ikinngutinnersumik inuulluaqqusillunga

Finn Karlsen